



**Direktoratet for mineralforvaltning**  
med Bergmeisteren for Svalbard

Hjelmeland kommune  
Vågavegen 116  
4130 HJELMELAND

Dato: 26.08.2016  
Vår ref: 16/00355-4  
Deres ref:

## Høring av søknad frå Norstone AS om driftskonsesjon for Tveit uttak på gbnr. 130/3, 130/4 og 130/5 i Hjelmeland kommune.

Leiv Erikssons vei 39  
Postboks 3021 Lade  
N-7441 Trondheim

**TELEFON** + 47 73 90 46 00

**E-POST** mail@dirmin.no

**WEB** www.dirmin.no

**GIRO** 7694.05.05883

**SWIFT** DNBANOKK

**IBAN** NO5376940505883

**ORG\_NR.** NO 974 760 282

**SVALBARDKONTOR**

**TELEFON** +47 79 02 12 92

Direktoratet for mineralforvaltning med Bergmeisteren for Svalbard (DMF) har motteke søknad om driftskonsesjon etter § 43 i lov om erverv og utvinning av mineralressursar (minerallova) frå Norstone AS datert 22.02.2016.

Søknaden med vedlegg er tilgjengeleg på DMFs heimeside: <http://www.dirmin.no/> under "Saker til høring". Høyringsinstansane kan få tilsendt papirutgåve av søknaden ved førespurnad.

Høyringsfristen er **26.09.2016**.

### Søknaden

Søknadsområdet på Tveit er lokalisert på gbnr. 130/3, 130/4 og 130/5 i Hjelmeland kommune. Det totale uttaksarealet er på 117, 6 dekar. Området er i kommuneplanens arealdel avsett til utvinning av byggeråstoff, og regulert i reguleringsplan for Øvre Valheim og Tveit datert 06.11.2006.

Det er oppgitt at førekomsten består av råstoffane sand og grus. Søkjer oppgjer at hovudformålet med uttaket er uttak av lausmassar. Det er estimert eit årleg uttak på 150 000 m<sup>3</sup> og eit totaluttak på 1.600.000 m<sup>3</sup>.

### DMFs behandling av søknaden

Formålet med minerallova er å fremme og sikre samfunnet ei forsvarleg forvaltning og bruk av mineralressursane i samsvar med prinsippet om berekraftig utvikling.

DMF er konsesjonsstyresmakt i saker med samla uttak av mineralførekomstar på meir enn 10 000 m<sup>3</sup> masse og for alle uttak av naturstein.

DMF sender søknadene, inkludert driftsplanar, på høring til aktuelle høyringsinstansar jf. forvaltningslova § 17. Dette vil normalt vere grunneigaren og andre kjende rettshavarar, eigarar, drivarar og bebuarar og andre kjende rettshavarar på naboeigedommar som kan bli påverka, i tillegg til kommunen (kommunane), fylkeskommunen og statlege forvaltningsorgan.

Søkjaren får høve til å kommentere innkomne høyringsfråsegner før DMF gjer vedtak.

Innkomne konsesjonssøknader blir underlagde ei skjønsmessig prøving hos DMF før vi avgjer om vi skal gi driftskonsesjon. Ved vurderinga av om vi skal gi driftskonsesjon, legg vi vekt på om søkjaren er «skikka» til å utvinne førekomsten, det vil seie om prosjektet verkar gjennomførleg økonomisk, om det er lagt opp til bergfagleg



forsvarleg drift, og om søkjaren har tilstrekkeleg kompetanse til å drive førekomsten. Ved vurderinga av om vi skal gi driftskonsesjon, skal vi òg leggje vekt på

- kva innverknad tiltaket vil ha på verdiskaping og næringsutvikling
- kva innverknad tiltaket eventuelt vil ha på naturgrunnlaget for samisk kultur, næringsliv og samfunnsliv
- kva innverknad tiltaket vil ha på omgivingane og nærliggjande område under drifta
- kva konsekvensar ei utvinning vil ha for miljøet
- kva for planar som ligg føre for etterbruk eller tilbakeføring av området

Dersom DMF gir driftskonsesjon, er det normalt knytt vilkår til denne, jf. minerallova 43. Vilkåra omfattar blant anna krav om driftsplan, økonomisk garanti osv.

DMF gjer merksam på at ein driftskonsesjon gitt i medhald av minerallova ikkje erstattar krav om løyve, godkjenning, arealplan eller konsesjon etter anna lovgiving. Det er søkjaren som har ansvaret for å innhente slike løyve.

#### **Nærmare om høyringsfråsegnene**

Vi oppfordrar høyringsinstansane til å komme med grunngitte synspunkt på om DMF bør gi konsesjon eller ikkje, under dette komme med konkrete forslag til avbøtande tiltak og vilkår som bør stillast med tanke på det ansvarsområdet den aktuelle instansen er sett til å forvalte. Frå private partar ber vi òg om innspel dei reknar som relevante ut frå konkrete forhold i den aktuelle saka. Dersom høyringsinstansen er kjend med forhold som ikkje er tilstrekkeleg klarlagde i søknaden, ønskjer vi opplysningar om det.

Generelle kommentarar knytte til arealbruk i området skal ikkje vurderast ved ein søknad om driftskonsesjon. Dette er sikra gjennom plan- og bygningslova. Synspunkt knytte til kommunens allereie vedtekne arealdisponering (arealplan, reguleringsplan og eventuell dispensasjon frå reguleringsplan) vil vi derfor ikkje leggje særleg vekt på ved vurderinga.

DMF ber kommune og fylkesmann informere om tiltaket får følgjer for naturmangfald, da særskilt eventuelle effektar og konsekvensar av påverknad, samt konkrete forslag til avbøtande tiltak og vilkår som bør vurderast.

DMF har etter søk i naturdatabase sett at det på grensa til uttaksområdet er registrert sandsvalar. Da dette er ein art av nasjonal forvaltningsinteresse ber vi kommune og fylkesmann vurdere tiltakets påverknad på sandsvalene.

DMF har ut frå tilgjengeleg kartmateriale sett at hovudbekken som renn frå nord til sør på Tveit er innafor omsøkt område for masseuttak. DMF ber kommune og fylkesmann vurdere om driftsplan er i tråd med reguleringsplan sett i samanheng med tiltakets påverknad på hovudbekken på Tveit.

DMF ber fylkeskommunen informere om det føreligg kjente kulturminnar som kan bli rørt av uttaket, da særskilt eventuelle effektar og konsekvensar av påverknad, samt konkrete forslag til avbøtande tiltak og vilkår som bør vurderast.



Vi ber kommunen spesielt informere oss snarast mogleg om det finst særleg påverka partar som ikkje står på adresselista.

#### **Innsending av høyringsfråsegner**

Vi ber om at høyringsfråsegna blir send innan fristen **26.09.2016** på e-post til **mail@dirmin.no** eller ordinær post til: **Direktoratet for mineralforvaltning med Bergmeisteren for Svalbard, Postboks 3021 Lade, 7441 Trondheim.**

Delar av høyringsfråsegner kan bli siterte i vedtaket om å gi konsesjon eller ikkje. Dersom fråsegna er omfattande, er det derfor ein fordel om det blir utarbeidd eit samandrag som kan brukast til dette.

For meir informasjon om minerallova med tilhøyrande forskrifter, sjå heimesida vår [www.dirmin.no](http://www.dirmin.no).

Med helsing

Marit Ollestad  
rådgiver

Marit Mia Bjørnstad  
rådgiver

*Dokumentet er elektronisk signert og har derfor ikkje handskrivne signaturar.*  
Saksbehandlar: Marit Mia Bjørnstad

#### Mottakarar:

Hjelmeland kommune	Vågavegen 116	4130 HJELMELAND
Magne Johan Kaltveit	Rivlandsvegen 44	4137 ÅRDAL I RYFYLKE
Vidar André Kaltveit	Rivlandsvegen 44	4137 ÅRDAL I RYFYLKE
Rogaland fylkeskommune	Postboks 130 Sentrum	4001 STAVANGER
Fylkesmannen i Rogaland	Postboks 59, Sentrum	4001 STAVANGER
Norges vassdrags- og energidirektorat Region sør	Postboks 2124	3103 TØNSBERG
Øyvind Handberg Ullestad	Rivlandsvegen 125	4137 ÅRDAL I RYFYLKE
Ola Bergeland	Strandastøvegen 21	4120 TAU
Kopi til:		
NorStone AS	Postboks 60	4301 SANDNES